

Kungani UNkulunkulu Evumela Ukuhlupheka? (Ingxenye 1)

Isekelwe esahlukweni 11 sencwadi ethi *Lifundisani Ngempela IBhayibheli?* etholakala kuyi-jw.org/zu.

INJONGO: Hlola lokho okukholelwayo nokuthi kungani ukukholelwa, hlola nalokho okufundiswa iBhayibheli, futhi ubone ukuthi ungazichaza kanjani izinkolelo zakho kwabanye.



INGABE KUMELWE KUSOLWE UNKULUNKULU NGOKUHLUPHEKA KWETHU?

1 HLOLA IZINKOLELO ZAKHO

Kungani abanye abantu bengathi yebo?

Kungani abanye bengathi cha?

Yini wena oyikholelwayo?

Kungani ukukholelwa lokho?

2

HLOLA LOKHO OKUFUNDISWA IBHAYIBHELI


UJehova akathandi ukuba sihlupheke. (Bheka isahluko 11 sencwadi ethi *Okufundiswa IBhayibheli*, izigaba 1-5.)

Funda eyoku-1 Petru 5:7.

Leli vesi likubonisa kanjani ukuthi uJehova akathandi ukusibona sihlupheka?

Funda uJobe 34:10.

Ingabe uNkulunkulu uyakubangela ukuhlupheka?



Ingabe umakhi wemoto kumelwe asolwe lapho umshayeli wayo ephula imithetho yomgwaqo? Ngokufanayo, ingabe kumelwe kusolwe uMdali ngezinkinga ezibangelwe isintu?

USathane nemiphumela yokuvukela kwakhe yikona okuyimbangela yangempela yokuhlupheka.

(Bheka isahluko 11 sencwadi ethi *Okufundiswa IBhayibheli*, izigaba 6-9.)

Funda eyoku-1 Johane 5:19; isAmbulo 12:9.

La mavesi abonisa kanjani ukuthi uSathane ngempela ofuna sihlupheke?

Funda umShumayeli 4:1; 8:9; 9:11.

Ngaphandle kwethonya likaDeveli, yiziphi ezinye zezizathu zokuhlupheka kwethu?

Kungani kukujabulisa ukwazi ukuthi uNkulunkulu akathandi sihlupheke nokuthi uzosisiza uma kwenzeka sihlupheka?

3

CHAZA IZINKOLELO ZAKHO

UMA UMUNTU ETHI . . .

UNkulunkulu unonya. Ufuna abantu bahlupheke.

UNGASE UPHENDULE . . .

Abantu abaningi kungenzeka bavumelane nombono wakho. Kodwa ngikholelwa okuhlukile ngoba . . .

Yimuphi umBhalo ongamfundela wona?

Ukhumbula ukuthi umbono wakhe uyini ngale ndaba, ungabonisana kanjani naye usebenzisa lowo mBhalo?

UMA UMUNTU ETHI . . .

UNkulunkulu ulawula umhlaba, ngakho zonke izinto ezimbi ezenzekayo ziyintando yakhe.

UNGASE UPHENDULE . . .

Yimfundiso evamile emasontweni amaningi leyo. Kodwa ngikholelwa ukuthi uSathane nguyena ongumbusi wangempela walo mhlaba ngoba . . .

Yimuphi umBhalo ongamfundela wona?

Ukhumbula ukuthi umbono wakhe uyini ngale ndaba, ungabonisana kanjani naye usebenzisa lowo mBhalo?
